

【海幢比丘】 入法界品，第六住位， 寄正心住 no.17

鈔:『海幢比丘寄正心住，謂成就般若，了法性空，無住無依，無邪無正故。故聞讚毀，真正其心，念不動故。』

經:『善財童子漸次南行，至閻浮提畔摩利聚落，周遍求覓海幢比丘。

乃見其在經行地側，（此是『用』，【地側】者，表不住寂用之中而任運自在故）

【經行地側】是動之所，而言側者，不住行故。）

結跏趺坐，入於三昧。（此是『寂』，表依用有寂。

離出入息，無別思覺，身安不動。』（滅思覺者，表『即動而寂』

（第四禪）

（滅受想定）

（表『即動而寂』）

疏:『見 入定相 者通 二定 ：

一者，滅受想定，謂【無別思覺】。

七轉已息，唯第八識持身，定前加行誓願力故，令於定身起諸業用。

若圓教中，融攝法界，自在無礙，故業用無方。

未曾起念，是以六地，能入滅定而起通用，住似地故。

即淨名云:『不起滅定，而現諸威』義也。

二者，即第四禪，以起用多依彼故。

四禪【無出入息】亦無覺觀，內淨喜樂諸思覺故，通表此位心定不動故，

\*又明: 稱理而寂，稱理而用，性自遍週，非同二乘作寂滅證也。

此同十地中第六地。以十地行，依此十住行樣，修行至彼，同此本故。

是故第六地菩薩，得寂滅定神通現前。

\*七轉者，謂眼見色、耳聞聲、鼻嗅香、舌嚐味、身觸、意緣法分別也。

即六塵境界加以分別故。

八識為阿賴耶識也，即第七識末那識的分別，於予補捉而生執著。

(以下，見定業用，共 14 種，

總顯毛孔光明業用。總相而明，作用不同，從下至上，漸漸增勝，)  
別則各表不同。)

1 『從其足下，出無數百千億 長者、 居士、 婆羅門眾。...成就無上菩提之道  
(最初故，多顯施行，萬行首故) (行之長) (得安處) (淨行故) (利行)  
(行住義)

2 『從其 兩膝， 出無數百千億 剎帝利、 婆羅門、眾皆悉聰慧。...，  
(行由於膝故出淨行) (屈申自在故)

3 從其 腰間 出等眾生數無量仙人。或服草衣。...令隨次第各修其業。  
(腰，謂臍輪之下，氣海之間，是吐故納新，出仙之所故。  
仙人：此顯離染欲故，隨應為說梵行法也。)

4 從其兩脇出不思議龍、不思議龍女。示現不思議諸龍神變...  
(是旁生) 充滿一切十方世界諸佛道場而為供養。令諸眾生皆生歡喜。  
(以龍之業用多以膊脅之力，今隨慣習所作，相似化導，故兩諸香華等。)

5 從胸前，卍字中，出無數百千億 阿修羅王。皆悉示現不思議自在幻力。  
(胸是能生能滅憍慢幻術之所故)， (明德相能降魔故)

6 從其 背上，為應以二乘而得度者，出無數百千億聲聞獨覺。為著我者說無有我。...  
(背大乘故)

7 從其兩肩，出無數百千億諸 夜叉羅剎王。種種形貌、...皆悉令其捨生死輪轉正法輪  
(肩是可畏勇力之所故)。 (雖顯種種可畏之形，多以守護眾生及諸賢聖之業。)  
(又是荷負之所，故為守護業。)

8 從其 腹 出無數百千億 緊那羅王，...開示演說發生一切諸善根門。

(鼓腹絃歌，音樂之所故)。(謂各隨所能，奏樂為供，歌讚三寶也。)

9 從其 面門 出無數百千億 轉輪聖王，... 為說實義令其觀察一切諸法深入因緣。

(布十善令向佛法故。)

10 從其 兩目，出無數百千億 日輪，普照一切諸大地獄，令諸眾生心得清涼生大歡喜

(目等日照故) (隨其照用作諸利益。)

(目能照用，同日光故) (謂照地獄離苦故，幽闇得明故，捨愚闇等故。)

11 從其 眉間白毫相中出無數百千億 帝釋，皆於 淨界 而得自在。

(中道般若化眾生故) (於地居中最尊勝故) (令離五欲得淨法故)

(此表於佛正法純信清白，常以正法化自天眾，或彰福力慧力乃至成顯眾生事業。)

12 從其 額 上出無數百千億 梵天，色相端嚴，...能辦眾生無量事業。

(次於眉上，又是稽顙請法之所故)。(梵王超欲故)。

(謂額在身之高處，梵王居在色初禪)。(故以色相威儀美音利世勸佛轉法輪等。)

13 從其 頭 上 出無量佛剎微塵數 諸菩薩眾，悉以相好莊嚴身，放無邊光...

(最上首故) (說十度行，隨所應化)

14 從其 頂上，出無數百千億 如來身，其身無等，諸相隨好，清淨莊嚴，威光赫奕，...

(尊極無上故)

\*\* 『別彰法雨』中總有三十二種：

前十二法雨為菩薩，後【為色界】下二十法雨普為人天雜類：

『從其頂上出無數百千億如來身，其身無等，諸相隨好，清淨莊嚴，威光赫奕，如真金山，無量光明普照十方，出妙音聲充滿法界，示現無量大神通力，為一切世間普雨法雨，所謂：

1 為 坐菩提道場 諸菩薩 雨 普知平等 法雨， \*得『三等』則轉成妙覺。

略有『三等』：一、始覺同本覺，無始本之異故，二、等諸佛故，三、生佛一性故，

(下十法雨即十住者)

2 為 灌頂位諸菩薩雨入普門法雨，(普門即三世等十種智慧，勸佛灌頂令其進修，下皆做此

(圓教位中，十住位滿便成佛故，此前更無別位，此約以位攝位，非一乘宗餘無此說，

然此十法皆是勸學十法，已住自分勸勝進故。)

3 為 法王子位諸菩薩雨普莊嚴法雨，令普學法王善巧等為莊嚴故。於彼境界悉遍學知為莊嚴。

4 為 童子位 諸菩薩雨 堅固山 法雨， (於此知見不可改易故。)

(令學知剎動剎等，皆無能壞最高出故。即勸童真菩薩，學知佛剎，乃至一剎那中，供多佛等，

5 為 不退位 諸菩薩雨 海藏 法雨，(令學說一即多、說多即一等十種廣大深法，故名海藏)

(即勸不退菩薩學十種廣大法，謂於法界德相，一一境界，包攝色心等，

大小、一多、即在、等無礙無盡故，海藏法復名廣大海。)

6 為 成就正心位諸菩薩雨普境界法雨，(令學一切法，無相無體等，既一切皆然，名普境界)

(即勸正心菩薩，學知一切法，無相無體等，標十以顯無盡，是普境故。)

7 為 方便具足位 諸菩薩雨 自性門 法雨，

(知眾生無邊，乃至知眾生無自性，皆是自性門，以無邊等亦入自性故。

即勸方便具足菩薩，知眾生自性，無邊無量，乃至知眾生，無自性故。)

8 為 生貴位 諸菩薩雨 隨順世間 法雨。 (了知圓滿三世佛法, 皆是隨順世間故)

即了知眾生, 及器, 行果隨順說故。

9 為 修行位 諸菩薩雨 普悲愍 法雨。 (遍觀察眾生界等, 為悲愍故)

(即勸修行菩薩, 學觀眾生、及法界、四大、三界, 於中遍起悲愍。)

10 為 新學 諸菩薩雨 積集藏 法雨。

(創治心地故名新學)。 (誦習多聞, 虛閑寂靜、近善知識等, 皆為積集, 包藏於法行故)。  
(創治心地發利益等十心也)。 (此中若誦行等, 皆有修習生德之義, 故名積集藏。)

11 為 初發心 諸菩薩雨 攝眾生 法雨。

(即令其勤供養佛, 主導世間為攝眾生。)

12 為 信解 諸菩薩雨 無盡境界普現前 法雨。

(即十信菩薩), (令普緣如來, 及普賢無盡境界, 而生信心, 分明現前, 進入位故。)

\*(以下, 13~32, 為【普為人天雜類】雨二十法者:)

13 為 色界 諸眾生雨 普門 法雨。 (總為色界眾生捨外住內, 令得心境無礙故曰普門。)

(謂色界眾生, 著色身為謂自勝, 今令普觀無色法故。)

14 為諸 梵天 雨 普藏 法雨。

(偏語初禪), (以宿習多慈, 雖憐不普, 而偏己眷屬,  
今令慈普含福無窮, 普生廣福故。)

15 為諸 自在天 雨 生力 法雨。 (勸求佛智力, 故云生力也。生十力自在)

(大自在天, 即他化自在天, 轉世自在)

(謂此天王智力自在, 一念能知大千界中雨滴數, 更無勝者)

16 為諸 魔眾 雨 心幢 法雨。 (魔好摧他自高，今令得慈心法幢，摧其邪慢，  
(就他化中分出魔眾)， (謂說慈心如幢，降諸魔眾故。)

17 為諸 化樂天 雨 淨念 法雨。 (隨念化樂，但污自心，故轉令淨念)  
(謂彼天自化樂受用，今還隨說自念淨法故)。

18 為諸 兜率天 雨 生意 法雨。 (雖於世樂知足，宜生出世之意。)

19 為諸 夜摩天 雨 歡喜 法雨。 (世樂時分稱快，不及法喜之歡。)

20 為諸 忉利天 雨 疾莊嚴虛空界 法雨。  
(地居之極，羨空居為勝，不及福智，嚴法性空。  
(謂居天以嚴空界為奇故，說福智，嚴法性空界故。)

21 為諸 夜叉王 雨 歡喜 法雨。  
(夜叉性多暴害故，令歡喜於含生，)  
(此約對治，明喜，謂夜叉羅刹，多現可畏恐怖之形，今為說眾生見形，令歡喜法也。)

22 為諸 乾闥婆王 雨 金剛輪 法雨。  
(以彼善奏樂音，上德聲聞亦為摧壞，今令得金剛智無所不摧，無不圓滿。)

23 為諸 阿修羅王 雨 大境界 法雨。  
(彼特大身而生憍慢，令見法身稱法境界。)

24 為諸 迦樓羅王 雨 無邊光明 法雨。  
(彼以淨眼觀海，意欲吞龍，令以慈眼智光遍照機感。)  
(謂此鳥，但能觀一洲四大海，照見諸龍知有離命，)  
(今為說佛智光明，照法界眾生，悉知根欲性等故。)

25 為諸 緊那羅王 雨 一切世間殊勝智 法雨。

(此類以世歌樂為殊勝技能，隨彼善歌，令得即空涉有，殊勝世智。)

26 為諸 人王 雨 無樂著 法雨。

(人王著樂，故偏對治。謂世間諸王，多著欲樂，今隨其病，說無樂著。)

27 為諸 龍王 雨 歡喜幢 法雨。

(龍多毒，故為說喜，有熱沙等怖，說法幢能摧。)

28 為諸 摩喉羅伽王 雨 大休息 法雨。

(此類蟒身多毒害，又為蟲啖食無休，故說內休毒心，外苦休息。)

29 為諸 地獄眾生 雨 正念莊嚴 法雨。

(地獄眾生身受無邊苦，心念無邊惡，若以正念三寶為嚴，則頓脫眾苦。)

(謂彼眾生，眼見苦具，身為苦逼，惶怖心亂，無暇正念，

(今為說法，令心安正，此即為莊嚴也。)

30 為諸 畜生 雨 智慧藏 法雨。

(畜生多癡故。因為說法令彼捨愚生智，故此所說法，即名為藏。)

31 為 閻羅王界 雨 無畏 法雨。

(焰魔鬼卒，互相怖畏，乃至王身，亦有熱鐵鎔銅等怖故，今為說其，離彼熱畏故云也。)

32 為諸 厄難處眾生 雨 普安慰 法雨。悉令得入賢聖眾會。

(諸難者，所謂八難及在人間獄囚繫閉等，而多不安，故普安慰，悉令得入賢聖眾會，

(翻彼難處。謂諸厄難者，若身若心，晝夜憂苦，今為說，其身安，心樂法故名也。)

- 末一句，總結周遍者，稱性用故。

(上來覩定勝用之見定相用竟。)